



## სტუ-ს მედიატექნოლოგიების ლაბორატორიის

### დ ე ბ უ ლ ე ბ ა

#### I. ზოგადი დებულებანი:

- 1.1 საქართველოს ტექნიკური უნივერსიტეტის ბიზნეს-ინჟინერინგის ფაკულტეტის მედიატექნოლოგიების ლაბორატორია (შემდგომში ლაბორატორია) წარმოადგენს უნივერსიტეტის სტრუქტურულ ერთეულს;
- 1.2 ლაბორატორია თავის საქმიანობაში ხელმძღვანელობს საქართველოს კანონით „უმაღლესი განათლების შესახებ,“ საქართველოს საკანონმდებლო აქტებით, უნივერსიტეტის წესდებით, შინაგანაწესით, წინამდებარე დებულებით, რექტორის ბრძანებებითა და სხვა სამართლებრივი აქტებით;
- 1.3 ლაბორატორიის მისამართია: ქ. თბილისი, კოსტავას ქ. №77ა, საქართველოს ტექნიკური უნივერსიტეტის VI სასწავლო კორპუსი;
- 1.4 ლაბორატორია საქმიანობას ახორციელებს უნივერსიტეტის აკადემიური საბჭოს მიერ დადგენილების მიღებისა და უნივერსიტეტის რექტორის მიერ ბრძანების გამოცემის დღიდან;
- 1.5 ლაბორატორია საქმიანობას ახორციელებს დებულებით გათვალისწინებული მიზნების შესაბამისად, როგორც საქართველოში, ასევე მის ფარგლებს გარეთ სათანადო კანონმდებლობის დაცვით.

#### II. ლაბორატორიის ძირითადი მიზნები და ამოცანები:

- 2.1 საქართველოს ტექნიკურ უნივერსიტეტში საფაკულტეტო სწავლების ხარისხის ხელშეწყობა;
- 2.2 საქართველოს ტექნიკური უნივერსიტეტის სხვადასხვა სტრუქტურული ერთეულების საქმიანობის ნებისმიერ სფეროში მომხდარი ან მიმდინარე მნიშვნელოვანი სიახლეებისა და მოვლენების დოკუმენტური (ფოტო, ვიდეო, აუდიო) ასახვა და შესაძლებლობების ფარგლებში საუნივერსიტეტო და სხვა მედიით გაშუქება;

- 2.3 სასწავლო საგნების ლექციათა ციკლის სტუ-ს ინტერნეტ ტელე-რადიო მედიის საშუალებით პირდაპირ რეჟიმში სწავლების ორგანიზება და ასევე, ამ მიმართულებით ქვეყნის სამაუწყებლო კომპანიებთან თანამშრომლობის განხორციელება;
- 2.4 სტუ-ს საინჟინრო-ტექნიკური სფეროს პროფესიათა პოპულარიზაცია;
- 2.5 მსოფლიოს მასშტაბით განათლების სფეროში მოწინავე ინტერნეტ-მედია და ინოვაციური ტექნოლოგიების მიმდინარე გაცნობა-შესწავლა, შეძლებისდაგვარად, დანერგვა/ინტეგრაცია.
- 2.6 საფაკულტეტო სასწავლო-პრაქტიკული ბეჭდური და ონლაინ მედიის ორგანიზება და მათში სტუდენტთა აქტიური ჩართულობის უზრუნველყოფა;
- 2.7 სასწავლო პროგრამით გათვალისწინებული თეორიულ-პრაქტიკული დისციპლინების სწავლების ხელშეწყობა მედიატექნოლოგიების გამოყენებით;
- 2.8 სწავლების სრულყოფისა და პრაქტიკული საქმიანობის წარმოჩენისათვის სტუდენტთა ფოტო-ვიდეო ნამუშევრების ფესტივალების, გამოფენების, კონკურსების მოწყობა;
- 2.9 მეთოდური საქმიანობის წარმართვა – ფოტო-ვიდეო-აუდიო სწავლების პრაქტიკული განხორციელებისათვის ქართულ ენაზე წიგნების, სამახსოვროების, ბროშურების გამოშვება;
- 2.10 საფაკულტეტო მასშტაბით პროფესიული მასტერ-კლასების, ტრენინგების, სემინარების ჩატარება საქართველოს ტექნიკური უნივერსიტეტის მოთხოვნების შესაბამისად;
- 2.11 ლაბორატორიის ბაზის გამოყენება პროფესიული სასწავლო-პრაქტიკული მოკლევადიანი კურსების, ტრენინგების და პროფესიული განათლების სასერთიფიკატო პროგრამების მომზადება;
- 2.12 საქართველოს ტექნიკური უნივერსიტეტის ლაბორატორიაში არსებული მიმართულებების შესაბამისად პარტნიორული პროგრამების განხორციელება;
- 2.13 ლაბორატორიის ბაზაზე სტუ-ს ინტერნეტ-ტელევიზიის გამართული მუშაობის უზრუნველყოფა ორიგინალური და დაიჯესტური ტიპის მედიაკონტენტის მომზადებით;
- 2.14 ლაბორატორიის საქმიანობის სპეციფიკიდან გამომდინარე, საზაფხულო სკოლების პროგრამების შექმნა, დამუშავება და განხორციელება.
- 2.15 სტუ-ს სხვადასხვა სტრუქტურულ ერთეულებთან ერთობლივი პარტნიორული პროექტების უზრუნველყოფა;
- 2.16 ლაბორატორიის ბაზაზე სამეცნიერო-რეფერირებადი ჟურნალის გამოცემა;
- 2.17 სტუ-ს ისტორიის და წიგნი-მატიანის შექმნისა და გამოცემის უზრუნველყოფა საუნივერსიტეტო სამეცნიერო სტანდარტების შესაბამისად;
- 2.18 ლაბორატორიის შესაძლებლობებიდან გამომდინარე, სტუდენტური იდეებისა და ნოვაციების ინფორმაციული ხელშეწყობა და ორგანიზება;

### III. ლაბორატორიის სტრუქტურა:

3.1 ლაბორატორია თავისი საქმიანობის ფარგლებში ხელმძღვანელობს უნივერსიტეტის მიერ განსაზღვრული წესდებისა და შინაგანაწესის მიხედვით.

3.2 ლაბორატორიის საშტატო ერთეულებია:

- ლაბორატორიის ხელმძღვანელი;
- ლაბორატორიის უფროსი სპეციალისტი;
- სპეციალისტი;
- ლაბორანტი.

3.3 უფლებამოსილება და ანგარიშვალდებულება:

3.3.1 ლაბორატორიის უფროსი

ახორციელებს ყოველდღიური მუშაობის კონტროლს თანამშრომლების მეშვეობით და მუშაობის განვითარების მიზნით ახდენს ფაქტებზე რეაგირებას. ხელმძღვანელობს თანამშრომლების გამართულ მუშაობას, შეთანხმების შედეგად ახორციელებს უნივერსიტეტისა და ლაბორატორიის ინტერესების დაცვით სარეკლამო-საინფორმაციო საქმიანობას, ხელს აწერს სერტიფიკატს, აწარმოებს კანონითა და უნივერსიტეტის დებულებით განსაზღვრულ სხვა სამუშაოებს. ანგარიშვალდებულია უნივერსიტეტის რექტორისა და ადმინისტრაციის ხელმძღვანელის მიმართ.

3.3.2 ლაბორატორიის უფროსი სპეციალისტი

ახორციელებს დაკომპლექტებულ და პროცესში ჩაშვებულ სამუშაოების კონტროლს თანამშრომლების მეშვეობით და მუშაობის განვითარების მიზნით ახდენს ფაქტებზე რეაგირებას. შეთანხმების შედეგად მონაწილეობას ღებულობს უნივერსიტეტისა და ლაბორატორიის ინტერესების დაცვით, სარეკლამო-საინფორმაციო საქმიანობის დაგეგმვა-განხორციელებაში.

3.3.3 ლაბორატორიის სპეციალისტი და ლაბორანტი

ახორციელებენ გვემით განსაზღვრულ სამუშაოებს და ყოველი კალენდარული თვის შემდეგ აბარებენ ლაბორატორიის უფროსს ჩატარებულ სამუშაოების შესახებ ანგარიშს;

### IV. დამატებითი დებულებები

4.1 ლაბორატორიის ყველა მუშაკი ვალდებულია დაემორჩილოს უნივერსიტეტის შინაგანაწესს და დაიცვას უნივერსიტეტში არსებული ხანძარსაწინააღმდეგო და შრომის უსაფრთხოების წესები.

4.2 საკითხები, რომლებიც არ არის დარეგულირებული წინამდებარე დებულებით (ქონება, ფინანსები, ინტერნეტ-სწავლება, პროგრამების შემუშავების პროცედურები და სხვა) რეგულირდება უნივერსიტეტის წესდებითა და მოქმედი კანონმდებლობით.

### V. ლაბორატორიის რეორგანიზაცია

ლაბორატორიის გარდაქმნა, რეორგანიზაცია და ლიკვიდაცია ხორციელდება მოქმედი კანონმდებლობის შესაბამისად.